


SINDIKAT SREDNJEG I VISOKOG
OBRAZOVANJA, ODGOJA, NAUKE I
KULTURE BOSNE I HERCEGOVINE

KANTONALNI ODBOR
KANTON SARAJEVO



TRADE UNION OF THE SECONDARY
SCHOOL AND HIGHER EDUCATION
EMPLOYEES, BREEDING, SCIENCE
AND CULTURE OF BOSNIA AND
HERZEGOVINA

CANTON COMMITTEE
CANTON SARAJEVO

Broj: 07-01-9/24
Sarajevo, 11.01.2024. godine

Predmet: Informacija za članstvo

Dana 10.01.2024. godine održana je sjednica Koordinacionog odbora predsjednika sindikalnih organizacija srednjih škola u Kantonu Sarajevo.

Na sjednici se diskutovalo o aktuelnim temama, i to:

1. Povećanje plata kroz izmjene Kolektivnog ugovora,
2. Radni materijal Pedagoških standarda i normativa,
3. Prijedlozi sindikalnim aktivnosti za ostvarenje radničkih prava.

Nakon analize dešavanja u posljednje vrijeme, gdje se ističu povećanje plata u drugim sektorima od 5%, 10 % pa do 30%, stav Vlade KS je takav da ne namjerava isplatiti jednokratnu/višekratnu pomoć prema Uredbi Vlade FBiH. Istovremeno, Vlada KS planira višestruko povećanje direktorskih plata u školama u odnosu na ostale radnike. Konstatovano je da je atmosfera među sindikalnim članstvom izuzetno loša. U narednom periodu moraju se osigurati sve pretpostavke kako bi povećanje plaća bilo osjetno i da se napokon djelatnost srednjeg obrazovanja pomakne sa začelja, gdje se predugo nalazi, prema top tri društveno najbitnije djelatnosti, kakav je slučaj u svim ozbiljnijim zemljama Europske unije.

Analizom i diskusijom u vezi sa pojavljivanjem i prezentiranjem sadržaja u javnosti materijala sa nazivom Pedagoški standardi i normativi za srednje obrazovanje, a koji je naznačen kao prijedlog, došlo se do nekoliko zaključaka:

- Za Sindikat se akt PSN za srednje obrazovanje smatra kao početni radni materijal na kojem se, prema važećim zakonskim propisima, mora omogućiti učešće predstavnicima Sindikata u fazi izrade Nacrta ovog akta.
- Materijal se smatra dobro urađenom osnovom za daljnji rad na kojem smo spremni raditi, a u slučaju isključivanja predstavnika Sindikata iz dalje procedure, pokrenut ćemo osporavanja ovakvog dokumeta iz razloga nepoštivanja zakonskih procedura.
- Od Ministrice tražimo hitan sastanak na temu PSN za srednje obrazovanje kako bismo blagovremeno mogli iskazati svoj stav putem sindikalnih mjera i aktivnosti.

Zaključeno je da se treba učiniti sve kako bi se kroz socijalni dijalog pokušalo riješiti ova dva goruća problema za radnike u srednjem obrazovanju, ali se istovremeno pripremati za radikalne mjere sindikalne borbe, te stoga je potrebno:

- Na pregovorima sa Vladom KS o Kolektivnom ugovoru prenijeti jasan stav i odlučnost za znatnije poboljšanje materijalnog položaja radnika u srednjem obrazovanju.

- Organizovati sastanak sa Ministricom u vezi sa PSN i i zatražiti očitovanje na zahtjeve iz navedenih zaključaka, te obavijestiti članstvo o tome i naredne aktivnosti planirati na osnovu reakcija.
- Predsjednici sindikalnih organizacija trebaju upoznati članstvo sa temama ovog sastanka i ispitati spremnost članova za radikalne sindikalne akcije.
- Kantonalni odbor treba pripremiti plan za proteste i organizaciju štrajka u slučaju neuspjelih pregovora za Kolektivni ugovor i dogovora oko PSN.

Na kraju, donesen je i zaključak da se od Ministarstva zatraži zvanični dopis o medijski eksponiranom "SAFER UČENJU", kako bi se o istom mogao donijeti adekvatan stav. Trenutno, naš vrlo jasan stav je da nam sada, pored loše prakse i procedure uvođenja Kurikularne reforme, koja još traje, nije potrebno uvoditi nove metode i sadržaje podučavanja.



Predsjednik

Admir Šuvalić
Admir Šuvalić